



## **Universitätsbibliothek Paderborn**

### **Asiaticae Historiae Societatis Iesv Pars ...**

Libris Qvatvor Comprehensa: Vbi praeter res gestas à Patribus Societatis Iesv in conuersione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

**Bartoli, Daniello**

**Lvgdvni, 1670**

80. Primus in Sinas Lusitan. ingressus.

**urn:nbn:de:hbz:466:1-10757**

sim familiares habent mouetur; mittuntur sortes, momenta numerantur, obseruantur puncta situsque locorum bene augurata, tam puerilibus, & infinitis minutis, vi mirum sit homines tam cordatos & ingeniosos tantum anilibus iis nugis infatuari potuisse: de inspectore omnium & Rectore, mentio nulquam vlla; ne cogitatio quidem consilij, & prouidentiae in inferiora: fortunae, fato, priuatæ industriae, benignis influxibus certorum casuum omnia tribuuntur.

His nihilominus multisque aliis Sinarum vitiis quibus densè progressus Euangelijs præcludunt, via vi spiritus diuini quā suos Christus operarios obarmat per quævis ardua fieri poterat, syluaque illa immanium scelerum fulis vt olim cœlo decinerati flammis, si patueret ad illos aditus. At huic suarum rationum periculo præcauens caco-dæmon, Sinis metus iniecit imperij sui amore insano Zelotypos, odia-que aduersus externos insanabilibus incensos (maximè postquam Europa ingentibus animis, transuerso Oceano ultimū adit Orientem)ne quo commercij aditu penetraret se vna Christi lex in regni viscera, & ab eius Ministris porrigeretur latius in gentem rationis admodum capacem: hinc leges in exteriores barbaræ, capitales peñæ, sempiterni carceris ætumna, si vel audax cupidio, vel ineuitabilis tempestas in regni littus eos coniecerit. Persuasit Sinis, fidei sacra hostis, inituros regni possessionem extrarios, si vel pedem in illud mitterent, potissimum verò si religiones secum intulissent ab autis & patriis diuersas; reuo-  
cavit iis memoriam cladium quas seruabant suis annalibus consignatas, vt si vellent eas cauere posteri, nouas sectas, etiam domesticas caue-rent, quæ regnum factionibus lacerassent, ipsisque Regibus creassent periculum; essentque grauius sequitura si Magistros & Duces sectare-  
tur extraneos, qui regnum ingressi, nationum suarum armis ingre-  
sum in illud pararent. Militabat his dæmonum artibus contemptus externorum, quos præ se pingunt, habentque Sinæ vt monstrosas, & viles bestias.

Verum enim verò hæc tam Zelotypa odia, suspiciones tam lubri-  
cas, & contemptus adeò probrosos peruicit Lusitanus, primusque ab Sinis in gratiam, post domum quoque admissus est; conciliator utriusque, idem utrimque qui amicitias vbique gentium sociat, & disso-  
ciat quæsus, & famæ. Ostendere se Lusitani ad eas insulas quæ Si-  
nas ab ortu meridie cingunt, cum Gaulo Regio ad pugnam si opus; si fas ad commercia eximiè instructo; explicuere Sinis pretio-  
sam, & peregrinam gazam quam vexerant; aurumque numeratō censem-  
dum venalibus sericis quæ poscebant ad nauis integræ iustum onus,  
Hanc aßulentium lucrorum gratam lucem, retortis oculis non re-  
fugit Cechianensis ad ortum Mandarinus; nec ad austrum Cantonien-  
sis; gratulantur aduentum Lusitanis; modum excogitant quo regni  
legibus integris, compendiosam occasionem non corrumpant; decer-  
nunt externis fore liberum suas merces, & pecunias in yrhem inferre;  
pernocta

80.  
Primus in  
Sinis Lusi-  
tan. ingre-  
sus.

pernoctatutis tamen in sua naui , & in ora regni anchoras missutis . Sic longinque libatum negotium , & quot annis sensim familiarius prouectum , eò tandem perductum ut datetur iis portus , quo se à ventis illic furentibus tegerent ; & solum ubi se quiete reficerent , suâque res in tuto deponerent , dumtaxat à continentis procul modo hac , modo in aliis insulis , aut proks , aut prope desertis . Prima illarum è regione Iaponiae Nimp cornu , quod Liampus deinde à Lusitanis dictum ; deinde ad australem plagam alia atque aliæ quibus Cantonensis Provincia limes prætenditur , atque inter has illa olim obseura , & ignota , nunc morte Xauerij , ac nomine nobilis Sancianum , vna ex tribus quas vocabulum Sanceu comprehendit , octaua intra mare leuca ; umbris quidem amœna sylvestrium arborum ; sed montosa inculta , inhospita , prœin apta qua permitteretur Lusitanis , cum eius-versus Macaum acumen in portum definat , capacem , & placidum , quem eius obiecta fauibus exigua insula præstat à Tiphonum rabie securum . Illic sua obibant commercia Lusitani & rugurio- la sibi extra nauim ad nonnullam quietem ex virgultis , & fronde te-nebant , quæ ventis post nundinas ad vela carentibus ; lœto incendio delebunt ; grato Sincensibus fidelitatis , & modestiae documento , quod tunc potissimum necessarium erat Lusitanis firmiori præsidio destitutus . Explorata enim aliquot iam annos illorum fides ad receptum prome- ruit insulam , milliaribus quinquaginta interiorem regno , nomine Hian- scianum , faxosam , asperam , desertam , Quanceo vrbe primaria Can- tonensis Provincia leucas dissitam triginta , ea in fauces fluminis quod Quanceam fertur , promotorium mittit milliarium trium circuitu peninsulam faciens , isthmo tenui cum insula iunctum . Isthmum Sinæ ab ea transuerso muro distractere , porta solum ynica peruo , eamque peninsulam Lusitanis dedere habitandam , suo quidem haud-paulo im- pensius commodo quam Lusitanorum , vt se Piratarum infestatione li- berarent sua latrocinia perpetua subduecentium in portum . peninsulæ Lusitanis concessæ . Expeditionem Lusitani non modo in illos , sed reliquos etiam Prædones qui latè id mare percursabant , libenter susci- piunt ; verum hac lege , vt sibi licet ab iis cauere , & munitiuncula extructæ se portumque ab iis defendere . Quo impetrato fundare incipiunt illam hoc ævo celebrissimam Macaum , vrbum , arcem , emporium locupletissimum ultimi Orientis ; expectandis in Iaponiam , Phi- lippinas , Molucum , Cocincinam , Tunchinum , Cambiam item , Sianum , & Malacam ventis , fidam , & commodam stationem vox Macag- derrita ( vt reliqua tam longo itinere aduenæ in Europam voces , Ama- gao proferri debuit , quod in eo portu ; Gao nuncupato , idolum Ama coleretur . Dei quidem vrbs cum fundaretur vocata est , vsus vetustam Macao appellationem sapientibus inuitis retinuit ; ipsa nec ambitu valde ampla , nec ciujbus frequens , sola se ostentat mercaturæ longin- quæ opportunitate , ac securitate , nam arce inexpugnabili fulcitur : vadolum .

81.  
Sancianum,  
& Macao.